

吉林依蘭縣志

地430.97
41



依蘭縣志序

自周禮設縣正之職至春秋時上大夫受縣漢制萬戶上者爲令減萬戶爲長晉非經縣宰不得爲臺郎唐以簡劇爲縣等級宋則宰相子殿試甲科無不宰邑元知縣著政績則升路總管明清詞林進士舉貢軍功皆得授知縣責固重矣爵亦榮焉考其所掌徵比訟獄試士趨稼防盜賊崇禮教正風俗而已故文翁以興學爲漢循良召信臣務在富民民稱曰父卓茂以仁厚和平民都愛慕童恢種牧耕織利民生計卒享大名是縣令爲親民之官但實行親民之事則下必戴其澤而上必稱其功余始至吉林爲光緒廿

有一年旋牧伊通判雙城丞延吉自顧非能吏才亦祇就民之所急利弊之重者興除之又勤與百姓相接一時士民交頌政府豐錫褒章近十年政局一新痛洗官樣而人之責望於縣令者若非以一人而兼伯夷之清伊尹之任柳下之和張儀之辯東方朔之通管子之理財李悝之地利孫武之兵法仲由之折獄張騫之互市藺相如之大度有容不足以長一邑而無愧色噫龔黃復生甘謝不敏矣余尹吉長依蘭各道七閱寒暑每不敢以人之所不能與不必能者苛吾僚友但察其宅心正大知民疾苦不貪不獵任事耐勞則薦諸大府楊幼琢大令其一也幼琢宰穆

稜而方正而依蘭皆依屬其視民如私民歌其德又
所至創修縣志夫縣志之修廢固非今日縣知事之
專責世亦無責之者然余則視之至重蓋志之所載
歷代沿革山川形勢物產風俗德行文學皆教養人
民之標準而因地因時制宜之繩墨也如醫疾然不
按疾者體氣之強弱生居之燥濕時令之寒熱藥由
何施余初巡依蘭冀萃各縣志合編之爲道志乃遍
訪十二縣僅方正志稿一部急序而刊之不勝鱗角
鳳毛之感矣今依蘭志告成幼琢復就正於余受而
覽之雖視關以內郡邑通志不無詳略厚薄之殊然
搜採荒郊咨詢耆舊凡有關於民事者悉張舉有條

美哉幼琢亦爲能人之所不能矣果吾吉之縣令皆
仿是而行之不惟道志可成即省志之成亦可期諸
旦暮而令之克親其民而善親民之事不更可爲國
頌哉爰樂爲之序

依蘭道尹合肥阮忠植公槐氏拜手

中華民國九年 月即庚申 月

序

爾裕自宣統元年至民國三年闢奉天采哈新甸爲
雙山縣縣成部索鄉土志重民政也遂舉所知所行
者筆之書以應之陋甚陋甚當時校勘者爲盟弟楊
幼琢大令襄奉垣交涉署務越三年幼琢宰吉林穆
稜穆稜開草昧未久治法略與雙山同乃深以雙山
志爲有用而修志之興頓高未及著手以賢勞調方
正而方正志成又以廉能調依蘭依蘭志又成方正
志視雙山優矣依蘭更優於方正則其用心之苦敷
政之勤可知矣夫人果勤其政苦其心也雖天下事
可成所成者又豈第一邑一書云爾哉

山左諸城牛爾裕拜手

中華民國十年三月即辛酉二月序於吉林

自序

余宰方正之次年檄依蘭于時方正縣志以成依蘭
吸松花江東北流灌牡丹江西北輸混同人俄氣勢
如龍蜿蜒直欲吞崑崙而呼長白非方正比也吉林
東北路關地之早人民之庶幅員之廣山澤林木之
利無如依蘭者蓋自漢迄清數千年皆爲有人之境
而清又視爲駐旗兵官之重地也惜文獻無徵猶然
杞宋爰於聽訟防盜鳩民之暇就耳之所聞目之所
見足之所經者分類書之延友各任表圖其體例大

同於方正年及其稿始脫覺可志者視方正爲多而
所志者視方正尤陋叙載八門旣汗顏於杜佑考信
六藝更抱愧於馬遷冠述履絢如是其難哉計將廢
紙而付焚慮後至愈難草創乃勉強付梓以當稿存
昔唐太宗以晉史何法盛等制作雖富未能盡善乃
敕房元齡褚遂良輩更加纂錄然則是書也將以備
後之房褚採取而踵成之亦未始非步墀之幸也
民國九年八月 日知依蘭縣事閩侯楊步墀

創修縣志姓氏

纂修

協修

主校

分校

調查

楊	郝	劉	張	黃	秦	郎	李	賈	趙	聯	忠
步	聯	文	壽	一	維	榮	奉	文	長		
墀	芳	鳳	彭	鶚	藩	山	璋	凌	興	桂	和

吉林依蘭縣志

吉林吉東印刷社印

繪圖

關	福	胡	郝	舒
連		寶	聯	毓
起	均	泉	芳	崑

吉林依蘭縣志目錄

形勝

疆域附縣界表

山岡

江河

鄰縣道里記

建置

城池

縣治

倉廩

鄉閭

各村道里記

市集

吉林依蘭縣志

目錄

吉林吉東印刷社印

船渡

橋梁

政治

沿革

巡警表

兵事

祀典

廟宇

賦役

戶口表

國家稅表

地方捐表

學校

學校調查表

勸學所沿革表

風物

風俗

婚禮

喪禮

祀事

物產

獸類

鳥類

蟲類

穀類

蔬屬

吉林依蘭縣志

目錄

果屬

草屬

木屬

水產

花屬

瓜屬

特別食料出產

特別出產

森林副產

藥材

依蘭人特別食物

宗教

耶穌教

佛教

回回教

薩瑪

職官

旗官

文官表

旗員額

職業

農業附宜種穀類及收穫量表

工業

鑛業

漁業

獵牧

吉林依蘭縣志

目錄

三

吉林吉東印刷社印

商業

封表

塚墓

坊表

祠堂

鄉賢

文學

隱逸

流寓

烈婦

節婦

烈女

人物

名宦
士紳
世族
拾遺
古蹟
藝文
碑銘
詩文

吉林依蘭縣志

目錄

四

吉林吉東印刷社印


依蘭縣最新全圖



依蘭縣街市全圖

例圖

道	水	樹	井	碼頭	沙	海	橋	廟	院	城	城	城	城
指	池	木	頭	頭	頭	頭	頭	頭	頭	頭	頭	頭	頭
路	木	頭	頭	頭	頭	頭	頭	頭	頭	頭	頭	頭	頭



尺例比一之分千五

吉林依蘭縣志

形勝門

疆域

按依蘭所屬之疆域。明屬胡爾哈部。費牙喀人。即赫哲（譯漢文東也）所居之地也。清太宗文皇帝遣使招撫。索索庫等。順治二年。將徵山東之赫哲兵。未出天花者。全行撤回。駐防於此。以克勒哈資達。裴雅勒塔克塔管帶。屢立戰功。編該部為伊車滿洲（即新滿洲）之克勒努雅勒。胡什哈哩。舒穆祿。四姓族長。編為世管佐領。因舒穆祿後入。故此城名曰三姓。滿文為依蘭哈喇。至康熙五十三年。始設協領。缺。畫清管轄界址。以上見三姓旗署雜誌。當初奉旨劃界。東至東海濱。庫頁島海權均在內。東南至阿湯吉山裏伏金山等處。正南西南至老嶺。與寧古塔毗連。西至瑪延河。與阿勒楚喀毗連。北至江北分水嶺。與江省呼蘭分界。計松花江北。卜雅密河（即索羅張口子）第一封堆起。東至湯旺河。第十八封堆止。為西北借地安站之界址也。爾時所必須安站者。蓋江南一帶崇山峻嶺。樹林茂密。轉運

吉林依蘭縣志

形勝門

吉林依蘭縣志

不便之故。及咸豐十一年。與俄人訂北京條約。以烏蘇里河口。至松阿察河口分界。當奉文奏派三姓副都統富尼楊阿。遵旨領兵。乘船馳抵烏蘇里口。與伯力俄官吉成科會擇圖勒密北。距烏蘇里口三里許。莫羅密地方。勘定中俄兩國接界處。豎立耶字木質界牌。詎俄人私移於烏蘇里江口之西岸。查原分界之條約。第一條內載。定為由什勒喀額爾古納兩河會處。即順黑龍江下流。至該江與烏蘇里河會流處。其北地屬俄羅斯國管轄。其南地屬中國管領。當立耶亦喀拉瑪等俄字頭。以便易於詳閱。從立界牌之處。永無更改。並不准侵佔附近及他處之地。第三條內載。嗣後交界。遇有含混相疑之處。以上兩條所定之界。作為解證。界牌原立於烏蘇里河口。東岸日本溝。後被俄人私移於江西八岔之北。於光緒十二年四月。經欽差吳大澂。重立石質耶字界牌。於哈巴羅夫司克之對岸。即松烏兩江合流處。八岔之北。烏蘇里江口之西岸。吉林通志有圖可稽。後又被俄人私移於通江東口之南岸。查此江係混烏兩江通水之支流也。烏蘇里江邊。而通江北岸。至混烏兩江合流處。數百方里。又在強俄蠶食之列矣。光緒三十二年。分設



府州縣治。經委員曹廷杰分界。計由大鈴鑄麥河逆流而上。再由上源直線越七星曙子。至撓力河上源。再順流而東至撓力口。以北改爲臨江州。以西以南仍歸依蘭府。江北一帶均歸大通縣。南歸依蘭。至光緒三十三年。與江省分界。大通縣全界劃歸江省。縣治移於江南。賓依兩界之間。改名方正縣。又將西界劃出。以牡丹江爲界。後於宣統二年。經重劃界址。計由洙淇河逆流而上。至上源橫過長虫洞。至牡丹江。再逆流而上。至南三道河口。西歸方正縣。東歸依蘭。至宣統二年。分設東北路各縣。經委魁福分縣界址。計由火龍溝上源。循南山分水。斜向東南。至舒木河。再循河線逆流而上。越橫嶺。直向西雙龍河順流而下。至曲家營。向正東直線。至柳樹河上源。再順流而下。經過大八虎力河。再由河南柳毛河逆流而上。經過土頂子七虎力河。雙柺子。直達瓦金別拉。順流而下。南過倭肯河。由王霸磳子之東。桃山南北直線。至老嶺止。其東劃歸樺寶饒綏同等縣。西歸依蘭。又於民國四年。與樺川重分界線。以腰嶺爲界。木石吐城子達拉崗一帶。統劃歸樺川縣。民國六年。分設勃利縣治。原案以鷄心河西北楞河。至鍋奎河之天然界線。南爲勃利。北爲依蘭。

吉林省依蘭縣疆域經緯表

省界	經度		緯度		度縣城所在	世界經度全境方里
	極東	極西	極南	極北		
依蘭縣	度分 一三五九	度分 一三〇五	度分 四六一四	度分 四七二二	東經一三二度 北緯四七度	東經二九四度 分

山岡

倭肯哈達山。在縣東北。松花江之南岸。倭肯河之東岸。高約八十餘丈。其山迤邐南去十三里。層巒聳翠。白石嶙嶙。誠縣城之東壁也。由喇馬呼折而東北。起伏迴環。約三十餘里。經過馬鞍山。稍有起峰。其脈與東北猪山相連。馬鞍山。在城東南倭肯河北岸。約高四十餘丈。東北西三面。綿亘數十里。據遊人

測量家言。山有鑛。鑛當產美玉。尙未試焉。惟滿山柞樺椴楊。頻遭野火。萌蘗摧殘。將不免有牛山濯濯之歎。爲可惜也。

豬兒山。以形似豬而名。在倭肯哈達山之正東。高約出北江水面二百餘丈。距縣二十八里。傳說下有金鑛。前經探試。苗不甚暢。

巴彥哈達山。在豬山西北。松花江邊。高約五十丈。山脈與倭肯哈達馬鞍等山。山脈相連。距縣城二十五里。

阿吉媽媽山。在縣之東北。松花江邊。高十餘丈。其北江邊之村落。卽以此命名。距縣城三十八里。

大瓦丹山。在阿吉媽媽之東北。高約十餘丈。南北長三十餘里。東西闊十餘里。距縣城六十里。

老鷄窩山。在縣東南蘇木河北。高約三十餘丈。與大磗子等山。山脈連接二十餘里。西北至縣城一百一十里。

土龍山。在縣東南蘇木河南。高約十餘丈。西北至縣城一百一十八里。

四個頂子山。在縣東南。高約五十餘丈。週十餘里。西北至縣城五十里。

演武磯山。在縣之南。高約十餘丈。週九里。北至縣城十八里。

長嶺子山。在縣東南。高約五十丈。西南東北斜形長十餘里。闊四五里許。西北至縣城七十里。

草帽頂子山。在縣東南黑背迤東。高約十餘丈。西南與老嶺相接連。距縣城一百八十里。

大頂子山。在縣東南黑背迤東。高約百餘丈。闊二十餘里。東南與廟嶺山脈相連。至縣城九十里。

拉哈府山。在縣西南牡丹江西岸。高約四五十丈。南北長約二十餘里。東北至縣城十八里。

橫黛山。在縣之東南。高約三十餘丈。週二十餘里。距縣城一百三十里。

北橫黛山。在縣東南。高約三十餘丈。週三十里。距縣城一百二十里。

松花江發源於白山之北麓。由洙淇河口入縣境。東流二十里。收達連河。南來之水。又東流三十里。會牡丹江南來之水。又東流十里。收倭肯河南來之水。曲折而東。四十五里。收南來舒拉之小水。又東去七十里。至東腰嶺子。北入樺川縣境。倭肯河（又倭和江）發源於東阿爾哈山。由孤頂子之西南。瓦金別拉河口入境。經過馬鞍山。西去五里。收七台河對頭礮子南來之水。又曲折而北。而西十五里。收太平溝南來之水。又里許。收北來羅圈河之水。又西流十二里。收小駝腰子。駱駝礮子。偏臉子。大小礮子等河。南來會流之水。又西流七里。收筒子溝北來之水。又西去五里。經過東巴爾浪。曲折十三里。收連珠河。羶羊河。鷄心河。大駝腰子等河。南來會流之水。又西去三十餘里。經過草帽頂子。九里六等處。而南北所收之水。均無正流。至老禿頂子之西南。收南來二道河子之水。又曲折十七八里。至溝心磯。收頭道河子。西南來之水。又西北七八里。收西來蛤蟆塘。大葦子溝等會流之水。以上各河統劃歸勃利縣。又北去七里。與東來之七虎力河會流。又去八里。收東來八虎力河之水。又北去二十餘里。經過螞蟻浪等處。至王大屯西。與蘇

木河會流。又北去三十餘里。收水曲柳溝東來之水。至西阿木達之正南。折而西。二十餘里。收稗子溝南來之水。又西流二十五里。經過大小多其。至喇嗎呼。曲折而北。至縣城東北。倭肯山下入松花江。牡丹江（滿名胡爾哈別拉）發源於長白山東北麓之梳稽梁嶺。計由烏斯渾河口入依蘭縣界。北流十里。收馬蹄溝東來之水。又北流十二里。收克司克別拉西來之水。又北流十里。收小礮子溝東來之水。又北流三十里。收西分溝西來之水。經過澤斐通。太平湖什哈等通。又收波兒河。南來之水。蜿蜒一百二十餘里。在縣城西北。稍西咀子。與松花江會流。七虎力河（滿名木堪別拉）源出老賬房山之東北麓。而東而西而南成勾形。經過雙椏子山。收秋皮溝。達連泡柳毛河等水。蜿蜒百餘里。至溝心磯之西北。與倭肯河合流。

八虎力河。源出西阿爾哈山之西麓。經過青咀子。老營盤。土龍山。收小八虎力柳樹河。柳毛等河之水。至橫黛山之西南。與倭肯河合流。

舒木河。源出橫道山子。經過草帽頂子。大礮子等處。收雙龍河。金沙河。來才河。曲折百二十餘里。至螞蟻浪之北。與倭肯河合流。

伯力河。源出焚陽嶺之北麓。收漂湯黑瞎子溝。白達子溝等處之水。經過樺樹底。下山咀子等處。曲折百餘里。至胡什哈瀾東股與牡丹江合流。

鄰縣道里記

查東北路。依蘭道屬十二縣。以依蘭爲首善之區。計自依至方正縣之途程。西渡過牡丹江。由硝石嘴子之南岡下。西去三十七里。至山嘴子。又十里。至達連河。地多窪下。半係草溝。此處地雖放領。不易開墾。故以東統稱西甸子。西去十三里。至珠淇河。爲依方兩縣分界處。東爲依蘭界。西爲方正界。從岡上再西去十里。至踏板河。又西十里。至瓦洪河。又西七里。至西瞎子溝。又十八里。至湧淇河。又十里。至小勒勒密。又西十二里。至大勒勒密河。東有鎮基一處。由此渡河西去。略南而登大嶺。循岡而南去十餘里。經過三個頂。再折而西。又十餘里。至草皮溝。又西十里。至大溝。其道山脈曲折。森茂密澗。谷險惡。倒木之聲。令人驚駭。此前任東北路道

王鐵珊觀察所開之新路也。又西去十里。北爲楚山。南爲小南江子屯。又西去十里。至德莫力南溝。西去十五里。至一吉立屯。由此屯北至伊漢瀾十二里。西至方正縣城十二里。此方正之路綫也。

由依蘭至穆稜縣之途程。出南門南行五十里。至獨一處。又南二十里。至田家屯。又東南四十里。至黑瞎子溝。又東南四十里。路經橫道子。到焚陽嶺。又正南四十里。經過黑背河。至太極鎮南鄒家屯。即鵬翎。又東南過橫山。遵烏斯渾河東南十里。至清茶館。又東南登大嶺。至頭道大盤道十二里。此盤道曲折約四五里。始下至山脚。其形由後山豁橫過山前。仍在半山腰。而山腰中。有羊腸小徑。寬僅尺餘。仰面見懸石天際。嵯峨欲墜。睨瞰絕壑。深不見底。駭極稍一失足。塌然一聲。則路旁之石塊崩陷。凡駝馬人夫至此。魚貫前進。側身而行。目不敢旁視。險哉。至山下。過馬橋河。至吳文貴家。八里。又南十五里。至拉拉別拉。又南十里。至西北楞河口。此是依勃分界處。北爲依蘭界。南爲勃利界。又南三十里。至湖水別拉。自此以北。共有盤道八處。尚不似第一道之險惡。又東南八里。至侯采營。一名侯石廠。因